


Sang President
Thomas S. Monson



Limpoak ni Ihmw —

KAWEID SANG ATAIL SOUKOHP

Kapai en Mour en Peneinei

“Ni ansou me kitail songehr me tohto oh kohselihier wasa doh oh kilangehr duwen pitipit oh ekei pak liksansalamwahu en pali laud en sampah, atail kalahngan kin laudila pwehki kapai en wia kisehn mehkot me kitail kak koapwoaroapwoariki—ihmw oh peneinei oh loaloapwoat en me poakohng kitail. Kitail kin esehla dahkot en pirapirkipene pwukoa, wahu, oh wia towe. Kitail kin esehla me sohte mehkot kak weliandi deuwen ehupene kapai en mour en peneinei.”¹

Ehukipene Atail Limpoak

“Kepingahda noumw seri oh pwoalehdi; ahpwete kin ndahieng, ‘I poakpoakeiuk’; ansou koaros kasalehda ahmw kaping kalahngan. Ieremen pak ehu mweidehng kahpwal me anahne epwella en kesempwalsang aramas mehn poakpoake. Kompoakapahtail kan kin kousoanla ekis wasa, serihkan kin laudla, me kitail poakohng kan kin mehla. E mengei en manokehla kesempwalpen aramas, lao rahno me re samwalahsangehr nan atail mour oh kitail kin uhd luhwehkihi di pepehm kan en ‘a ma’ oh ‘mahkete’. . . .

“Kitail pereniki mour ni atail wie momouriki, diarada peren nan seiloako oh ehukihieng atail limpoak kompoakapahtail kan oh peneinei. Ehu rahn, emenemen kitail pahn katiasang lakapw akan. Kitail dehr pwilikihda dah me keieu kesempwal.”²

Kaskasale Atail Limpoak

“Ohl akan, kitail mwahuong atail pwoud kan ni kihieng irail soararail oh waun. Irail wia atail werek sou-tuk. Lih akan, wauniki amwail pwoud kan. Irail anahne rong lokaia mwahu. Irail anahne mas sirei. Irail anahne kasalada mwahu en limpoak mehlel. . . .

“Ong kumwail me wia pahpa nohno, I nda, kasa-lehieng noumwail serihkan limpoak. Kumwail ese me kumwail poakohng irail, ahpw tehk mwahu me irail pil ese. Irail inenen keneinei. Nsenohki kasalehieng irail. Likwerlahng Samatail Nanleng peki sawas ni omw pahn apwalih arail anahn akan en ehuehu rahn oh ni omw pahn sohpa kasongosong kan me uhdahn pahn kin kohdohng pahpa nohno. Ke anahne eripit laudsang me pein mie rehmw ong kakairirailda.”³

Ndandahwei Atail Limpoak

“Ong pahpa nohno kan, ndahieng noumwail serihkan me kumwail poakohng irail. Kapakapkinirail pwe irail en kak powehdi suwed akan en sampah. Kapakapki irail en keirda ni pwoson oh kadehde. Kapakapki irail en idawehn mour kan en mwahu oh en papah mehteikan.

“Serihkan, mweidehng amwail pahpa nohno kan en ese me kumwail poakohng irail. Mweidehng irail en ese uwen amwail kalahnganiki soahng koaros me irail kin wia pwehki kumwail oh kin nannantihiengete pwehki kumwail.”⁴

Dah Me Keieu Kesempwal

“Dah me keieu kesempwal kin kerenieng ansou koaros pid aramas akan me kapil kitail. Kitail kin kalapw leme me irail *uhdahn* esehier ia uwen atail poakohng irail. Ahpw kitail sohte konehng lemelemehte; kitail konehng ndahieng irail pwe ren ese. Duwen me William Shakespeare ntingih, ‘Trail sohte limpoak me sohte kin kasale arail limpoak.’ Kitail sohte pak ehu pahn koluhkihla lokaia kadek de limpoak me kitail kasale. Ahpw, atail koluhla kan pahn kohdo ma kitail sohte pahn kasale soahng pwukat nan atail kin ehupene ong irail akan me keieu kesempwal ong kitail.”⁵

Kakerenihdo Nanleng

“Atail peneinei kan oh imwatail kan en audaudiki limpoak: limpoak ong emenemen, limpoak ong rong-amwahuo, limpoak ong iengatail aramas akan, oh limpoak ong atail Sounkomour. Met pahn elehieng, nanleng eh pahn ekis kerendohng pohn sampah.

“Kitail en wiahda imwatail kan en wia wasahn keiru kaselel me tohn atail peneinei pahn ansou koaros men pwurodohng.”⁶

Kapakap ong Peneinei Kan

“Pwehki peneinei eh wia mehкот me aramas uhwenng nan sampah rahnwet, oh soahng tohto me kin sarawi sangete mahs kohkohdo ahpw met aramas kin kauwe, se patohwan peki Rehmwi, Samat, en kapahrekih kiht ong kasongosong kan me se sohpa, pwe sen kesihnen kehlailel ong mehlel oh mour pwung. Imwatail kan en wia wasahn keiru kaselel kan en meleilei, en limpoak oh en me pid ngehno.”⁷

IREN SAWAS AKAN

1. “A Sanctuary from the World,” *Worldwide Leadership Training Meeting*, Pepwari 9, 2008, 29.
2. “Joy in the Journey” (Brigham Young University Women’s Conference, Mei 2, 2008), <http://ce.byu.edu/cw/womensconference/archive/transcripts.cfm>.
3. “Abundantly Blessed,” *Liahona*, Mei 2008, 112.
4. “Until We Meet Again,” *Liahona*, Mei 2009, 113.
5. “Finding Joy in the Journey,” *Liahona*, Nohpembe 2008, 86.
6. “A Sanctuary from the World,” 30–31.
7. Dedicatory prayer for The Gila Valley Arizona Temple, Mei 23, 2010; nan “The Gila Valley Arizona Temple: ‘Wilt Thou Hallow This House,’” *Church News*, Mei 29, 2010, 5.

PADAPADAHK SANG NAN IREN MAHSEN WET

“Nan ehu kemwekid en kihda iren madamadau tohto, sounpadahko kin kihda peidek de irair ehu oh kiheng tohn sukuhl kan ansou mwotomwot en kihda ni saledek iren madamadau kan oh pasapeng” (*Teaching, No Greater Call* [1999], 160). Ni omw pahn wadek iren padahk wet rehn peneinei, peki irail en rong kaweid de iren madamadau kan me kin sair irail. Towe kan en peneinei eri kak medewehda wiepehkan en ka-laude limpoak nan imwarail. Medewe en luke peneinei en tehksapahl iren madamadau pwukat nan ehu soutik en peneinei me pahn wad.

ME PWULOPWUL KAN

Nohno Doareikitala

Sang Patricia Auxier

Ni ahi sounpar weneu, riei serepein tikitik oh ngehi wie kilikilang riat serepein laudo ah wie mwad-mwadong basket. Ahi pahpao mwesel, oh se ahpw medewehda me se pahn iangih kohla nihmwo, eri kiht tang mwuri pwakih kohla nan kotouo. Ni ansou me se sohte diar ih, se pwurala ni wasahn mwadongo pwehn uhd iang aht nohnohu pwurala nihmwo, ahpw ni ansou me se pwurala nan wasahn mwadongo, koaros nan ihmwo samwalahr.

I taman keskesihnen nan ehu wenihmw ko, nannantihieng ngehi oh riei serepein tikitiko en dehr wisekese-kala, wie kapakapki emen en kohdo. Ngehi eri taman ei rongada ngilen wenihmw en warat sidohsa weitahtao eh ritidi, oh se tang kolahng ngihlo. Ansouo wia ehu irair me I keieu tamataman sang ni ei serio: aht nohnohu pwoaleikitedi nan pehko rasehng litok men eh kin kompwoalepene nah kisin pwurok kan pahn peh (Tehk 3 Nephi 10:4). Ahi nohnohu doareikitala, oh I sohte kin pehm nsenamwahu duwehte ahi pehm ni ahnsouo.

Ni ahi kin medewe lipwen ahi nohnohu ong ie, I kin kilang me ahn ahi nohnohu ah mour idihelahng Sounkomouro oh kasalehiengie wehwehn en pwokada peh kan me kin mwotoudi, oh kakehlailih pwukie luwet akan (tehk D&C 81:5). E kin kehliki Sises Kraiss, me ketkihieng ih kehlailel “laudsang pein [ah]” (“Lord, I Would Follow Thee,” *Hymns*, nempe 220).

SERIHKAN

Kauwada Ihmw me Peren

President Monson kaweidikinkitail wiepe kan en kauwada ihmw me peren. Kilang nan iren padahk wet soahng kan me kowe oh ahmw peneinei kak en wia

pwehn wiahda nan ihmw me peren.

Ehuehu ansou me ke kilangada mehkot me ke kak wia, ntingihdi. Diarada sohte malaulausang wiepe limau me ke kak sawaski pwehn kauwada ihmw me peren oh mahleniada ihmw oh ahmw peneinei nan ihmwo.



Pwoson • Peneinei • Sawas

Pwihn Ehu en Lih Sarawi

Onopiki iren mahsen wet, oh ni duwen eh pahn konehng koasoaihkihieng lih akan me komw kin pwarek. Doadoahngki peidek kan pwehn seweseikomwi kakehlailih riomw lih akan oh pwehn wiahda Pwihn en Sawas en Lih en wiahla pali kesempwal en pein ahmw mour.

Eliza R. Snow, keriau en president lap en Pwihn en Sawas en Lih padahngki: “Wahnpoaron Pohl mahsanah kawao duwen lih sarawi kan. E wia pwukoa en emenemen kitail en wia emen lih sarawi. Kitail pahn ahniki madamadau en soahng kan me ileile, ma kitail wia lih sarawi. Kitail pahn pehm me kitail malipilipda en wia pwukoa kesempwal kan. Sohte me sohte iang alehdi. Sohte emen lih me kelehplwa douluhl, oh me ah koahiek en mie lipwe nohn tikitik ahpw dahme e kak wia inenen laud ong kauwada Wehin Koht pohn sampah.”¹

Riei lih akan, kitail sohte kelehplw douluhl de atail koahiek en mie lipwatail nohn tikitik. Sang ni alehda kisakis en towehda Pwihn en Sawas en Lih, kitail kin wiahla kisehn dahme Soukohp Joseph kawehwe duwen pwihn “tohrohrsang suwed akan koaros en sampah—kaselel, mour mwahu, oh sarawi.”²

Pwihn wet kin seweseikitail kakehlailih atail pwoson oh keirda ni pali ngehn sang ni kihiehg kitail ansou mwahu kan en kakaun, papah, oh padahk. Nan atail papah ehu irair tohrohr kin kapatapatehng atail mour kan. Kitail kin keirda ni pali ngehn, oh atail pepehm en wia kisehn pwihn, atail pepehm en ihs kitail, oh atail pepehm en atail

katiep kin laudla. Kitail kin esehla me kahrepe unsek en pilahn en rongamwahuo iei en kihda ansou mwahu ong kitail en lella ni idin me koasoandieng kitail sang powe.

Pwihn en Sawas en Lih kin sewese kitail en alehdi kapai kan en tehnpas sarawi, en wauneki inou sarawi kan me kitail kin wiahda, oh en kedikediropwiki doadoahk en Saion. Pwihn en Sawas en Lih kin sewese kitail en kalaudehla atail pwoson, oh pein atail mour pwung, kakehlailih peneinei kan, oh rapahki oh sewesehda irail akan me anahn.

Doadoahk en Pwihn en Sawas en Lih me sarawi, oh wiewia doadoahk sarawi kin kasarawihkitaila.

A Silvia H. Allred, sounsawas keieu nan Presidensi Lap en Pwihn en Sawas en Lih.

Sang Pwuhk Sarawi Kan

Eksodus 19:5; Melkahka Kan 24:3–4; 1 Deselonika 4:7; Taitus 2:3–4; Doctrine and Covenants 38:24; 46:33; 82:14; 87:8; Moses 7:18

Sang Atail Poadoapoad

Koasoakoasoaieng Pwihn en Sawas en Lih en Nauvoo, Soukohp Joseph kapwurehieng kesempwalpen wia aramas sarawi, kawkahwehwe me ni lih akan ahr kin mwakelekella oh sarawihla, irail

pahn ahniki lipw kehlail pohn sampah. E kawehwe: “Opampap, limpoak, mwakelekel—iei soahng kan me pahn kalaudeikumwailla. . . . Pwihn wet . . . pahn ahniki manaman en ruwese lih nanmwarki kan nanpwungarail. . . . Nanmwarki kan oh lih nanmwarki kan en sampah pahn kohdo Saion, oh kihda arail kawahu kan.” Lih akan en Pwihn en Sawas en lih me momouriki inou sarawi kan kin alehdi wahu kaidehn sangete sohpeidi kan, ahpw “ma kumwail pahn momouriki amwail pai kan,” Joseph inoukihieng lih oko, “tohnleng kan sohte kak en irairdi sang wia iengemwail.”³

Ni lih oko ahr towehda doadoahk en papah oh doandoare mehteikan, irail pein kasarawihla. Lucy Mack Smith, ahn Soukohp nohnohu, ehukihda mwahu me Pwihn en Sawas en Lih kak kapwaiada: “Kitail anahne kanai emenemen, tetehk emenemen, kansenamwahuih emenemen oh alehdi kasukuhl, pwe kitail en kak koaros mwohdpene nanleng.”⁴

IREN SAWAS AKAN

1. Eliza R. Snow, “An Address,” *Woman’s Exponent*, Septembe 15, 1873, 62.
2. Joseph Smith, nan *History of the Church*, 4:570.
3. Joseph Smith, nan *History of the Church*, 4:605, 606.
4. Lucy Mack Smith, nan Relief Society, *Minute Book March 1842–March 1844*, me ntingdi ni Mahs 24, 1842, Church History Library, 18–19.

Dah Me I Kak Wia?

1. Ia duwen ahi kin sewese lih akan me I kin tetehk en kairada oh kapwaiada "koasoandi ileile kan"?

2. Dah me I wiewia pwehn wiahda ahi mour en "kaselel, mour mwahu, oh sarawi?"

Pwehn alehdi iren sawas kapatapat, kohla ni www.reliefsociety.lds.org.